

平陽府志卷之二十

宦績

左氏載子產相鄭事聲施爛然彪炳春秋矣及觀史記
趙傳乃僅第之循吏漢代吏治莫盛於孝宣之世而班
固傳循吏自景及宣才得六人六人之中黃霸位至丞
相朱邑至大司農皆顯秩也而傳顧紀其爲守若令時
治行獨詳蓋循吏若斯之難也向使忠信之長慈惠之
師與庸碌同湮後來者其奚勸與考自三代以來嘗官
斯土而德功卓卓可述者著其姓氏與其爵里繫以事

實俾後之人有以觀焉作宦績志

歷代循良

周

趙朝

趙勝曾孫魏獻子爲政以爲平陽大夫謂朝餘子之不失職能守業者也

僚安

晉人魏獻子爲政以賢舉爲楊氏大夫

卻犇

缺之從子晉景公時爲大夫食邑於襄陵與卻至卻錡號爲三卻俱有才辨傳稱犇爲使有禮謀事

有智臨戎有

文祀名宦

羊舌肸

字叔向晉之公族也世爲大夫事悼公平公昭公食邑于楊習于禮而勇于義以直聞于諸侯

雖不專任晉國而晉之執政皆訪之而後行晉國賴焉楊郎洪洞縣祀名宦

漢

季布

楚人爲河東守文帝召爲御史大夫弗采用布進陳其所以帝曰河東吾股肱郡故特召君耳

番係

九江人爲河東太守武帝元朔五年遷爲御史大夫嘗言穿渠引汾溉皮氏汾陰下引河溉汾陰蒲

坂下度可得五千頃

田延年

字子賓陽陵人昭帝時爲河東太守選拔尹翁歸等誅鉏豪強奸邪不敢發入爲大司農

黃霸

字次公陽夏人少學律令爲河東均輸長以廉察稱

周堪

字少卿與蕭望之受遺詔輔政元帝卽位拜光祿大夫領尚書事數燕見言治亂事石顯憚之數于

上前譖毀遂左遷爲河東太守未幾因日食復召堪復其位

趙護

爲河東都尉成帝時廣漢盜起拜爲太守擊平之

蕭咸

字子仲蘭陵人太傅望之子元帝時爲河東太守有政績數增秩賜金官至大司農

甄尊

字少公杜陵人爲河東太守二歲成帝建始三年遷爲京兆尹

杜詩

河內人光武時爲河東太守平逆賊楊異等有功

焦贛

山陰人河東太守以楚王英連及卒于塗妻子繫獄諸生故人皆改名避禍弟子鄭弘詣闕訴寃得

釋送喪及妻子還鄉

里弘由是亦顯名

葛龔

字元甫梁國寧陵人以善文記知名性慷慨壯烈勇力過人永初中舉孝廉拜蕩陰令州舉茂才爲

臨汾令居二縣皆有稱績著

文賦碑誄書記凡二十篇

劉祐

字伯祖安固人桓帝時爲河東太守時屬邑令長多中官子弟百姓患之祐到郡黜治權豪伸平抑

滯政爲三河最

累遷至尚書令

史弼

字公謙考城人靈帝時爲河東太守被詔書當舉

侯覽

遣諸生齎書請之并求假鹽稅積日不得通乃說

以他事

謁弼而因達覽書弼大怒曰太守忝荷重任當

選士報國

爾何人而偽詐無狀命左右引出捶楚數百

府丞掾吏

千餘人皆諫于廷弼不對遂付安邑獄卽日

拷殺覽

怒誣弼誹謗檻車徵入吏民詣闕訴之後得免

歸田里

杜門不出

皇甫嵩

字義真安定朝那人度遼將軍規之兄子也父

初舉孝廉

茂才爲臨汾令父喪去官後平黃巾封槐里

侯拜太尉

卒贈驃騎將軍卹綬

王邑

字文都涇陽人獻帝時爲河東太守帝爲李淮郭

汜所急

御牛車幸安邑邑以綿帛爲獻悉贐公卿

以下後封

邑爲列侯

魏

鍾繇

字元常潁川長社人建安中以司隸校尉持節督關中諸軍會單于擾平陽率諸軍圍之未拔而袁

尚河東太守郭援到衆甚盛諸將議欲釋之去繇曰袁氏方強援之來關中陰與之通所以未悉叛者顧吾威名故耳若棄而去示之以弱所在之民誰非寇讐縱吾欲歸其得至乎此爲未戰先自敗也且援剛愎好勝必易吾軍若渡汾爲營及其未濟擊之可大克也時張既說馬騰騰遣子超將精兵逆之援至果輕渡汾衆止之不從濟水未半擊大破之斬援降單于後詔徵河東太守王邑邑心不願徵郡掾衛固及中郎將范先等詣繇求乞邑而後太守杜畿已入界繇不聽先等促邑交符邑乃歸許固尋與張晟張琰及高幹等並爲寇又率諸將討破之繇封定陵侯

仕至太傅卒諡曰成

張既

字德容馮翊高陵人舉茂才司隸校尉鍾繇遣說馬騰等騰遣子超會擊袁氏并州刺史高幹河東

太守郭援大破之斬援幹降而復舉兵河東衛固等應之以既爲議郎參繇軍事徵馬騰等會擊斬固幹奔荆

州魏時封西鄉

侯卒謚曰肅

呂虔

字子洛伍城人魏太祖在兗州聞虔有膽策以爲

從事將兵守湖陸襄陵尉杜松部民吳母等作亂

與昌稀通太祖以虔代松虔到招誘吳母渠帥及同惡

數十人賜酒食簡壯士伏其側察吳母等醉盡格殺之

撫其餘衆羣賊乃平太祖以虔領太山太守徐州刺史

封萬年侯

杜畿

字伯侯京兆杜陵人舉孝廉建安中高幹舉兵并

州河東太守王邑被徵河東人衛固范先外以請

邑爲名而內實通幹魏武謂荀彧曰河東被山帶河四

鄰多變當今要地也君爲我舉蕭何寇恂以鎮之彧曰

杜畿勇足以當大難智能應變乃其人也於是拜畿爲

河東太守固等使兵絕陝津或謂畿曰宜須大兵畿曰

河東有三萬戶非皆欲爲亂也今兵迫之急欲爲善者

無主必懼而聽於固固等勢專必以死戰討之不勝四

鄰應之天下之變未息也討之而勝是殘一郡之民也

且固等未顯絕王命外以請故君爲名必不害新君

官績

單車直往出其不意固爲人多計而無斷必僞受吾
得居郡一月以計縻之足矣遂詭道從郢津度范先於
門下斬殺主簿已下三十餘人畿舉動自若固曰殺之
無損徒有惡名遂奉之畿謂衛固范先曰衛范河東之
望也吾仰成而已然君臣有定義成敗同之大事當共
平議以固爲都督行丞事領功曹將校吏兵三千餘人
皆范先督之固等喜雖陽事畿不以爲意固欲大發兵
畿患之說固曰今大發兵衆必擾不如徐以貲募兵固
遂爲貲調發數十日乃定又入喻固等曰人情顧家諸
將掾吏可分遣休息固等惡逆衆心又從之於是善人
陰爲援惡人分散固等密調兵未至畿知諸縣附已因
出赴張辟拒守固等與幹晟共攻畿不下遂敗固等伏
誅餘黨皆赦之使復其居業時郡縣皆殘破河東最先
定少耗滅畿治之崇寬惠與民無爲嘗詞訟有相告者
畿親見爲陳大義遣令歸諦思之若意有所不盡更來
詣府鄉邑父老自相責怒曰有君如此奈何不從其教
自是少有詞訟班下屬縣舉孝子貞婦順孫復其徭役
隨時慰勉之漸課民畜犍牛草馬下逮雞豚犬豕皆有

章程百姓勸農家家豐實畿乃曰民富矣不可不教也於是冬月修戎講武又開學宮親自執經教授郡中化之韓遂馬超舉兵河東雖接境民無异心魏武西征至蒲阪與敵夾渭爲軍軍食一仰河東及敵破餘粟二十餘萬斛下令曰河東太守杜畿孔子所謂禹吾無間然矣增秩中二千石魏武征漢中遣五千人運運者自勉曰人生有一死不可負我府君終無一人逃亡其得人心如此魏國建入爲尙書事平更令曰昔蕭何定關中寇恂平河內卿有其功間將授卿以納言之職顧念河東吾股肱之郡充實之所足以制天下故且煩卿卧鎮之畿在河東十六年常爲天下最魏初封豐樂亭侯爲尙書僕射試船陶河役贈太僕諡曰威畿初在郡被書錄寡婦畿但取寡者故所送少及趙儼代畿而所送多民益思之子恕正始中官河東太守所在務存大體其樹惠愛益得百姓歡心雖不及畿而立朝建議蓋有可觀焉後河東樂詳年九十餘上書頌畿之遺績朝廷感焉詔復封孫預爲豐樂亭侯

吉茂

字叔暢馮翊池陽人建安中舉茂才除臨汾令居官清淨吏民不忍欺轉爲武德侯庶子景初中卒

茂修行從少至長室如懸磬饋遺一不肯受

徐邈

字景山燕國薊人黃初中歷平陽太守所在著稱封都亭侯官至司空嘉平初卒謚曰穆朝廷追思

清節之士詔曰夫顯賢表德聖王所重舉善而教仲尼所美故司空徐邈征東將軍胡質衛尉田豫皆服職前朝歷事四世出統戎馬入贊庶政忠清在公憂國忘私不營產業身沒之後家無餘財朕甚嘉之其賜邈等家穀二千斛錢三十萬布告天下

晉

王濬

字士治弘農人博涉墳典恢廓有大志嘗辟爲河東從事守令有不廉潔者皆望風解去刺史徐邈

以女妻之後叅鎮南軍事以平吳功封襄陽侯

李重

字茂曾江夏鍾武人太熙中爲行討魯護軍平陽太守崇德化修學校表篤行拔賢能清簡無欲正身率下在職三年彈黜四縣弟嶷亡表去官永康初趙王倫用爲相國左司馬以憂卒家貧宅宇狹小無殯殮之地詔典客署管喪追贈散騎常侍謚曰成

李矩

字世廻平陽人封東明亭侯爲平陽郡督護後鄉人推爲塢主愍帝時領河東平陽太守飢饉相仍又多疫癘矩垂心撫恤百姓賴焉會長安羣盜東下所在多虜掠矩遣部將擊破之盡得賊所畧婦女千餘人諸將以爲非矩所部欲盡留之矩曰俱是國家臣妾焉有彼此乃一時遣之後至魯陽墜馬卒

北魏

崔元珍

博陵安平人正光末山胡作逆除平陽太守假右將軍爲別將以討之頻破賊郡內以安武泰

初改郡爲唐州仍除刺史加右將軍以破賊勲賜曾涼城侯爾朱榮之趨洛也遣其都督樊子鵠取唐州元珍

與行臺郎廳憚拒守不從爲
子鵠所陷被害世咸痛之

高市貴

善無人少有武用孝昌初恒州內部救勒劉崙
等聚衆反市貴爲都督率衆討崙一戰破之預

翼戴莊帝勲爲秀容大都督第一領民酋長賜爵上洛
縣伯爾朱榮擊葛榮於滏口爲先鋒都督榮平除使持
節汾州刺史尋爲晉州刺史紇豆陵步藩侵并州高祖
破之市貴亦從行有功封常山郡公高祖起義市貴預
其謀天平初復除晉州刺史高祖尋以洪洞要險遣市
貴鎮之沙苑失利晉州行事封祖業棄城而還州民柴
覽聚衆作逆命市貴討覽覽奔柴壁市貴破斬之是時
東雍南汾二州境多盜因市貴平覽皆散歸復業後秀
容人五千戶叛應山胡復爲行臺統諸軍討平之元象
中除晉州刺史西道軍司卒子阿那肱

西魏

郭文恭

平遙人太平令竭力工營寒暑不怠祀名宦

東魏

封子繪

渤海穆人爲平陽太守晉州北界霍山舊號千里徑者山坡高峻每大軍往來苦之子繪請別

開一路旬

日而就

莫多婁貸文

太安狄那人驍果有膽氣從高祖舉義封石城縣子從平爾朱兆於赤嶺獲兆屍

天平中除晉州刺史汾州胡賊爲寇竊高祖親討之以貸文爲先鋒每有戰功還資奴婢三十人牛馬各五十匹布一千匹仍爲汾陝州東雍晉泰五州大都督後與太保尉景攻東雍南汾二州克之元象初與周軍戰沒於源澗子敬顯彊直勤幹恒從斛律光征討數有戰功位至領軍將軍武平中車駕幸晉陽每令督留臺兵馬糾察盜賊京師肅然七年從後主平陽敗歸并州與唐邕等推立安德王稱尊號安德敗羣官皆投周軍惟敬顯走還鄴周平鄴執斬於閭闔門外責其不留平陽也

北齊

斛律光

字明月朔州勃勒部人金子也少工騎射以武藝知名當時傳號落鵑都督天保三年除晉州

刺史東有周天柱新安牛頭三戎招引亡叛屢爲寇竊七年光率步騎五千襲破之又大破周儀同王敬儁等獲口五百餘人雜畜千餘頭而還九年又率衆取周絳川白馬澮交翼城等四戎除朔州刺史十年二月率騎一萬討周開府曹迴斬之栢谷城主儀同薛禹生棄城奔遁遂取文侯鎮立戍置柵而還乾明元年除并州刺史清河二年四月率步騎二萬築勲掌城於軹關西仍築長城二百里置十三戍三年正月周遣將達奚成興等來寇平陽詔光率步騎三萬禦之成興等聞而退走光逐北入其境獲二千餘口而還遷司徒冬又以邳山大捷遷太尉天統元年轉大將軍三年襲爵咸陽王并襲第一領民酋長轉遷太保武平元年詔加右丞相并州刺史冬率步騎五萬於玉壁築華谷龍門二城與周齊國公宇文顯申國公拓跋顯敬等相持憲等不敢動

光乃進圍定陽仍築南汾城置州以逼之夷夏萬餘戶
並來內附二年率衆築平隴衛壁統戎等鎮戍十有三
所周柱國枹罕公晉屯衛柱國韋孝寬等步騎萬餘來
逼平隴與光戰於汾水之北光大破之俘斬千計軍還
詔復令率步騎五萬出平陽道攻姚襄白亭城戍皆克
之獲其城主儀同大都督等九人捕虜千人拜左丞相
光在朝堂嘗怒祖珽帝賜穆提婆晉陽之田光言於朝
曰此田神武帝以來常種禾飼馬數千匹以擬寇難今
賜提婆無乃闕軍務也繇是祖穆積怨周玉壁城將韋
孝寬作謠言令間諜漏其文於鄴曰百升飛上天明月
照長安又曰高山不推自崩樹不扶自豎祖珽穆提
婆暨何洪珍因構譖之乃引光入拉殺於涼風堂盡滅
其族惟小子鍾年數歲獲免周武帝聞光死大喜赦其
境內後入鄴追贈上柱國公指詔書曰此人若在朕豈
能至

鄴

北周

泉企

孝武時爲東雍州刺史高歡專政孝武有西顧之心欲委企以山南之事乃除洛州刺史常州都督

未幾孝武西遷歡率衆至潼關企遣其子元禮督鄉里五千出大谷以禦之高歡不敢進梁魏與與洛州接壤表請內屬大行臺賀拔岳以企昔蒞東雍爲吏民所懷乃表復爲刺史詔許之

唐永

初仕魏大統初爲東雍州刺史性清廉家無積蓄妻子不免飢世以此稱之

柳霞

字子昇河東解人曾祖卓徙襄陽霞幼而英爽邁世父慶遠特器異之霞爲岳陽王啓聞喜縣公持

節侍中後啓以襄陽歸周保定中啓入朝授使持節驃騎大將軍開府儀同三司霍州諸軍事霍州刺史霞導民務先以德再三不用命者乃微加貶異示之耻而已其下感而化之不復爲過咸曰我君仁惠如此其可欺乎天和中卒

府志柳遐

隋

范軌

開皇間爲臨汾令開鼓堆泉十二渠以溉民田民歌頌之爲立祠渠旁

周搖

字世安洛陽人剛果有武藝性謹厚動遵法度初仕魏開府儀同三司搖從平齊每戰有功授柱國

封夔國公拜晉州總管時隋高祖爲定州總管文獻皇后自京師詣定路經搖所至禮甚薄白后曰公解甚富於財限法不敢輒費又王臣無得效私高祖以其奉法每嘉之隋開皇中卒謚曰恭

宋老生

未詳何處人代王侑遣老生帥兵三萬守霍邑唐兵至老生與戰馬蹶被擒死之事見人物明

成化八年知州鮑

克恭立祠墓前

唐

李孝恭

高祖族姪武德中平蕭銑輔公祐封河間王歷晉州刺史貞觀中爲禮部尚書卒謚曰元

蕭瑀

字時文梁明帝子初仕隋內史侍郎嘗從幸鴈門瑀進謀曰可賀敦與兵馬事况義成公主乎若走